

13. ALDIZKARIA - 2016ko urtarrilaren 21a

21. ORDENANTZA FISKALA, BARAÑAINGO UDALAREN KULTUR ARETO ETA GUNEA ERABILTZEKO PREZIO PUBLIKOAK ARAUTZEN DITUENA

OINARRIA

1. artikulua. Nafarroako Toki Ogasunei buruzko 2/1995 Foru Legearen lehen tituluko III. kapituluko 2. ataleko 2. azpiatalean xedatuari jarraituz ezarri da ordainarazpen hau, eta haren 28. artikulua baimenaren babesean. Barañaingo Udalaren kultur areto eta gunek erabiltzea da ordenantza honen xedea.

ZERGAPEKO EGINTZA

2. artikulua. Pertsona fisikoek edo juridikoek, bai eta Udalaren baimena duten erakunde edo entitateek, Udalarenak diren eta Barañaingo Udalaren Kultura Batzordeak bere esku dituen aretoak erabiltzea da zergapeko egintza.

SUBJEKTU PASIBOA

3. artikulua. Prezio publikoaren subjektu pasiboak dira aipatu lokalak erabiltzeko Udalaren baimena duten pertsona fisiko edo juridikoak.

PREZIO PUBLIKOAREN SORRARAZPENA ETA HAREN ORDAINKETA

4. artikulua. Prezio publikoaren sorrarazpena baimena ematen den unean berean gertatzen da eta ordainketa erabilera aurretik eginen da, eta betiere, 24 ordu lehenagotik.

5. artikulua. Barañaingo Udalaren edozein aretotarako, egunen erreserbak ez du baliorik izanen ez bada erreserbatu errentamenduaren zenbatekoaren %25 ordaindu. Ordainketa hori behin betiko likidazioaren kontura eginen da.

Egindako erreserbak deuseztatzeko eskaerak bakar-bakarrik onartuko dira arrazoiak modu sinesgarrian frogatzen badira; idatzita eginen da eskaria eta, betiere, ekitaldiaren data baino 10 egun lehenagotik, gutienez.

ERABILERA

6. artikulua. Baimena ondoko erabilera arau hauei jarraituz emanen da:

1. Barañaingo Udalaren kultur gunek herriaren jabariko eta zerbitzurako udal ondasunak dira, batez ere kultur jardueretan erabiltzekoak, musika, antzerki, eszena, gorputz adierazpen eta plastika arloetan, eta tarteka, inguruabarren bat dela medio, aipatuz bertzelako jardueratan erabiltzen ahalko dira.

2. Instalazio horren funtzionamenduaren arauketa Barañaingo Udalaren egitekoa da, Kultura Arloaren bitartez.

3. Barañaingo Udalak, Kultura Arloaren bitartez, hartuko du ardura jarduerak ibilarazi, antolatu eta koordinatzen, bai eta instalazioak zaindu eta hobetzen ere.

4. Barañaingo Udalaren kultur guneak erabiltzeko araubide ekonomikoa, Udalak dohainik erabiltzeko baimena ematen dituen kasuak salbu, indarra duten tarifei egokituko zaie eta haiek dagokien ordenantza fiskalean beharko dute agertu. Halaber, antolatzaileak erantzukizun zibileko poliza kontratatu beharko du, egin beharreko ekitaldiaren ondoriozko edozein ustekaberi aurre egin ahal izateko.

5. Barañaingo Udalak kontratuak edo hitzarmenak egiten ahalko ditu partikular edo entitateekin instalazioen erabilera arautzeko, denboraldi luze edo jarraian erabili behar direnean (hiru edo sei hilabetez, denboraldi batez, urte osoan, etab.).

6. Erabiltzaileen kontura izanen dira:

I.–Edozein tasa, kontribuzio edo zerga ordaintzea.

II.–Egile eskubideak ordaintzea, horrelakorik izanez gero.

III.–Administrazioaren permiso eta baimenak.

IV.–Jarduera gauzatzeko behar diren elementuak muntatu eta kentzea, antolamendua Udalarena ez denean, eta betiere, Udaleko langileek edozein unetan ematen dituzten oharrei kasu egin beharko diete.

7. Instalazioen erabilera publikorako orduak Udalak ezarriko ditu Kultura Arloko Eskuordetzaren bitartez, prest dituen udal langileak eta eskaerak zenbat diren begiraturaz.

8. Entitate edo partikularrek instalazioak erabiltzeko baimenak beti egonen dira Udalak antolatu edo babesten dituen jardueren erabileraren menpe.

9. Oro har, instalazioak erabiltzen dituzten entitate edo partikularrek ondoko baldintzok bete beharko dituzte:

I.–Entitate antolatzaile guztiek beren gain hartuko dituzte eskatzen ahal zaizkien erantzukizun zibil, penal, administratibo zein laneko zergei buruzkoak, edo edozein tankeratakoak, eta beren eskutan soilik izanen dira beren erantzukizunak sorrarazten dituen kalte eta galeren ordainak, Udala erabat salbu geldituko delarik.

II.–Entitate antolatzailea behartua dago agintaritzari eta erakunde eskudunei beharrezko diren baimen guztiak eskatzera, egin nahi duen ekitaldirako.

III.–Instalazioak erabiltzeko eskaerak hamar egun lehenagotik bederen aurkeztu beharko dira, Udalaren Herritarrarendako Harrera Bulegoan (HHB).

Presako kasuak: pertsonak nahiz entitateek Kultur Etxeko lokalak erabili behar izan eta, arrazoi bereziengatik edo halako presa izateagatik, erregelamenduzko tramiteari segitu ez bazaio, beren eskabidea idatziz aurkeztuko dute Kultur Etxean, gutxienez egun bat lehenago. Eskabide horretan aretoa zertarako nahi duten azalduko dute, baita presaren arrazoia ere.

IV.–Udalak ez du inongo erantzukizunik izanen jendeak egiten dituen gauzengatik, entitate antolatzailearena baita, oso-osorik, erantzukizun hori.

V.–Jarduera buruturik, entitate antolatzailea arduratuko da instalazioak erabiltzeko prest gera daitezen, jarduera hasi zenean zuten egoera berean. Instalazioaren ardura duten langileek ikus- onetsia eman beharko diete.

VI.–Entitate antolatzaileek beren gain hartuko dute instalazioak behar bezala ez erabiltzeagatik egiten diren hondamen edo kalteak konpondu edo ordaintzeko ardura, edozein izanagatik haien arrazoa edo zergatia. Horretarako, Udalak aurkeztuko dio likidazioa, non ez den bera zuzenean egin behar diren konponketen kargu egiten, Udalak hautatzen duen udal teknikariaren zuzendaritzapean, eta horren adostasunarekin.

VII.–Udaleko zerbitzu teknikoek edozein unetan ikuskatzen ahal dituzte jarduera egiteko instalazio osagarrien muntatze eta desmuntatze lanak, eta entitate antolatzaileek horren gainean egiten dizkieten ohar eta jarraibide guztiak onartu eta bete beharko dituzte.

10. Orokorrean, instalazioen barrenean ezin izanen da inongo publizitate eta propagandarik egin, Udalak kasu bakoitzean espresuki baimentzen duena izan ezik.

11. Udalak eskubidea izanen du instalazioetan gaizki portatzen diren pertsona guztiei kargu hartzeko eta are instalazioetatik kanpora bidaltzeko.

12. Erabilera bat baino gehiago edo denboraldi baterako, kontratu edo hitzarmena egiten duten entitateen kide edo partehartzaileek instalazioen erabileran haien portaeragatik istiluak sortu eta instalazioak hondatzen dituztenean, lehenbiziko neurritako, kargu hartu eta gastuen agiria ordaindu beharra ezarriko da.

13. Inguruabarrek eraginda eta aldi baterako, eta Kultura Batzordeak horretarako baimena ematen duen aldi oro, partikularrek Barañaingo Udalaren biltegiak erabiltzen ahalko dituzte, trasteak, tresneria guztia, eszenako materiala, etabar gordetzeko.

14. Ikus-entzunezko baliabideak Udaleko langileek erabiliko dituzte edo entitate antolatzaileak behar bezala kreditaturiko adituek, Udalak bere adostasuna eman ondotik.

15. Kultur Etxean egiten diren jarduera guztietan, edo publizitatea daramatenetan bederen, Udalaren armariaren logotipoa eta Kultur Etxearena ezarri beharko dira, haien entitate laguntzaileak diren aldetik.

16. Udalari dagokio erregelamendu honetan jaso ez diren kasuak erabakitzea, eta zalantzarik sor dezaketen artikuluen azken interpretazioa, Kultura Alorreko eskuordearen bitartez, edo, bertzenaz, ezinbertzean, dagokion udal organoari.

SALBUESPENAK

7. artikulua. Ezartzen diren kuotak ordaintzetik salbu daude ondoko jarduera hauek:

a) Barañaingo Udalak, Musika Patronatuak eta Lagunak Udal zerbitzuak eta Barañaingo Auditorioak antolatzen dituztenak.

b) Ezkontza zibilak izanez gero, Barañainen erroldaturik dauden pertsonak salbuetsirik daude udal guneak erabiltzeagatiko tasen ordainketatik.

c) Herrian egoitza duten irabazi asmorik gabeko kultur eta gizarte elkarteek, Nafarroako Gobernuako Elkartearen Erregistroan behar bezala erregistraturik badaude eta Udalarekin lankidetzan aritzen badira.

TARIFAK

8. artikulua.–Lokalak erabiltzeagatik, eranskineko tarifak aplikatuko dira.

2016KO TARIFEN ERANSKINA

1.1.–Kultur Etxeko ekitaldi aretoa edo erakusketa aretoa:

–Ordubetez erabiltzeko prezioa: 110,27 euro.

–Ordu 1etik goiti-2 ordu arte: 137,32 euro.

–2 ordutik goiti-5 ordu arte: 164,38 euro.

–5 ordutik goiti-7 ordu arte: 192,47 euro.

–7 ordutik goiti, egun berean 24 ordu arte: 456,73 euro.

1.2.–Kultur Etxeko erabilera anitzeko aretoak:

–Ordubetez erabiltzeko prezioa: 45,77 euro.

–Ordu 1etik goiti-2 ordu arte: 65,54 euro.

–2 ordutik goiti-5 ordu arte: 83,23 euro.

–5 ordutik goiti-7 ordu arte: 92,59 euro.

–7 ordutik goiti, egun berean 24 ordu arte: 228,88 euro.

1.3.–Liburutegiko eraikin berriko erabilera anitzeko aretoa:

–Ordubetez erabiltzeko prezioa: 110,27 euro.

–Ordu 1etik goiti-2 ordu arte: 137,32 euro.

–2 ordutik goiti-5 ordu arte: 164,38 euro.

–5 ordutik goiti-7 ordu arte: 192,47 euro.

–7 ordutik goiti, egun berean 24 ordu arte: 456,73 euro.

2. Aitzinetik erreserba eginik, toki bat, erabaki baino denbora gehiago erabiliz gero, benetan erabilitako denbora tarteari dagokiona kobratuko da.

3. Barañaingo Udalaren ikus-entzunezko materiala (proiektorea, diapositibak, telebista, bideoa) erabiltzeagatik, kasu guztietan, zenbateko hau gehitu beharko da antolatzen den saio bakoitzean: 6,75 euro.

4.1.–Eskatzaileak Barañaingo bizilagunak badira, ekitaldi aretoaren edo erakusketa aretoaren zerbitzuak eskatzen dituztenean honako prezio hauek ordaindu beharko dira:

–Ordubetez erabiltzeko prezioa: 73,86 euro.

–Ordu 1etik goiti-2 ordu arte: 91,55 euro.

–2 ordutik goiti-5 ordu arte: 110,27 euro.

–5 ordutik goiti-7 ordu arte: 127,97 euro.

–7 ordutik goiti, egun berean 24 ordu arte: 304,84 euro.

4.2.–Eskatzaileak Barañaingo bizilagunak badira, balio anitzeko aretoen zerbitzuak eskatzen dituztenean honako prezio hauek ordaindu beharko dira:

–Ordubetez erabiltzeko prezioa: 30,17 euro.

–Ordu 1etik goiti-2 ordu arte: 43,69 euro.

–2 ordutik goiti-5 ordu arte: 55,14 euro.

–5 ordutik goiti-7 ordu arte: 61,38 euro.

–7 ordutik goiti, egun berean 24 ordu arte: 151,89 euro.

4.3.–1. solairuko erabilera anitzeko aretoa (lehenago liburutegia) kulturaz kanpoko jardueretarako eskatzen ahalko da noiz nola:

–Ordubetez erabiltzeko prezioa: 30,17 euro.

–Ordu 1etik goiti-2 ordu arte: 43,69 euro.

–2 ordutik goiti-5 ordu arte: 55,14 euro.

–5 ordutik goiti-7 ordu arte: 61,38 euro.

–7 ordutik goiti, egun berean 24 ordu arte: 151,89 euro.

5. Hainbat material jakin erabiltzeko, fidantza finkatuko da.

Barañaingo Udalaren kirol instalazioak (frontoia eta kiroldegia) kultur xedeetarako erabiltzeko, eskabidea egin beharko da, gutienez ere 20 egun lehenago, Kultur Etxean.

Udalaren organo eskudunak instalazioaren erabilera baimenduta, dagokion udal ordenantzak ezartzen duen zenbatekoa ordainduko da, alokairutako, eta fidantza utziko da, konponketetarako, eta beste bat garbiketarako. Fidantzak instalazioen egoera frogatu ondotik itzuliko dira, konponketei eta garbiketei dagokien zenbatekoa kenduta, halakorik egin behar izanez gero.

–Erroldatuendako fidantza:

- Hondaketetarako fidantza: 585,74 euro.
- Garbiketarako fidantza: 585,74 euro.

–Erroldatu gabekoendako fidantza:

- Hondaketetarako fidantza: 876,00 euro.
- Garbiketarako fidantza: 876,00 euro.

Kultur xedeko jarduerak kirol instalazioetan egiten ahalko dira, betiere kirol jarduerarik aurreikusita ez badago.